



Broj: 01-25/23
Vareš, 31.01. 2023. godine

Na osnovu člana 13. Zakona o principima lokalne samouprave u Federaciji Bosne i Hercegovine („Službene novine F BiH“, broj: 49/06 i 51/09), člana 150. i 152. Zakona o socijalnoj zaštiti, zaštiti civilnih žrtava rata i zaštiti porodice sa djecom Zeničko-dobojskog kantona („Službene novine Zeničko-dobojskog kantona“, broj: 13/07, 13/11, 14/12, 3/15, 2/16, 3/17 i 16/22), člana 22. i 95. Statuta Općine Vareš – prečišćeni tekst, broj: 01-162/12 od 11.09. 2012. godine, Općinsko vijeće Vareš, na 22. sjednici održanoj 31.01. 2023. godine, d o n o s i

ODLUKU
o izmjeni Odluke o dodjeli jednokratne novčane pomoći svakom novorođenom djetetu

Član 1.

U Odluci o dodjeli jednokratne novčane pomoći svakom novorođenom djetetu, broj: 01-69/14 od 27.02. 2014. godine, član 3. mijenja se i glasi:

„Jednokratna novčana pomoć u iznosu od 350,00 KM (slovima: tri stotine i pedeset konvertibilnih maraka) isplatit će se porodici prvog novorođenog djeteta.

Za drugo novorođeno dijete porodici će se isplatiti iznos od 450,00 KM (slovima: četiri stotine i pedeset konvertibilnih maraka).

Za treće novorođeno dijete porodici će se isplatiti iznos od 500,00 KM (slovima: pet stotina konvertibilnih maraka).

Za četvrto i svako sljedeće novorođeno dijete, porodici će se isplatiti iznos od 600,00 KM (slovima: šest stotina konvertibilnih maraka).

Član 2.

Odluka stupa na snagu osmog dana od dana objavljivanja na oglasnoj tabli Općine Vareš.

PREDSJEDAVAJUĆA
OPĆINSKOG VIJEĆA

Mahira Brkić

Odluka objavljena na oglasnoj tabli Općine Vareš dana 01.02. 2023. godine.

OPĆINSKI NAČELNIK

Zdravko Marošević

O b r a z l o ž e n j e
Odluke o izmjeni Odluke o dodjeli jednokratne novčane pomoći
svakom novorođenom djetetu

1. Pravni osnov

Pravni osnov za donošenje ove odluke sadržan je u članu 13. Zakona o principima lokalne samouprave F BiH („Službene novine F BiH“, broj: 49/06 i 51/09), članu 150. i 152. Zakona o socijalnoj zaštiti, zaštiti civilnih žrtava rata i zaštiti porodice sa djecom Zeničko-dobojskog kantona („Službene novine Zeničko-dobojskog kantona“, broj: 13/07, 13/11, 14/12, 3/15, 2/16, 3/17 i 16/22), članu 22. i 95. Statuta Općine Vareš – prečišćeni tekst, broj: 01-162/12 od 11.09. 2012. godine.

Članom 150. stav 1. alineja b) predviđeno je da se sredstva finansiranja socijalne zaštite, zaštite civilnih žrtava rata i zaštite obitelji sa djecom osiguravaju i u budžetu općine, a članom 152. stav 1. alineja h) predviđeno je da se iz općinskog budžeta finansiraju i druga prava iz socijalne zaštite, koja svojim propisima utvrđuju, odnosno planiraju općine. Članom 22. stav 1. alineja 23. Statuta Općine Vareš – prečišćeni tekst, broj: 01-162/12 od 11.09. 2012. godine, utvrđeno je da: „Općinsko vijeće, najmanje jednom godišnje ocjenjuje rad ustanova i kvalitet usluga u djelatnosti zdravstva, socijalne zaštite, obrazovanja, kulture i sporta, te osigurava finansijska sredstva za unapređenje njihovog rada i kvaliteta usluga u skladu sa potrebama stanovništva i mogućnostima Općine Vareš“.

Članom 95. Statuta Općine Vareš su utvrđeni akti tj. propisi koje donosi Općinsko vijeće.

2. Razlog za donošenje

U postupku izrade i usvajanja Budžeta Općine Vareš za 2023. godinu, Općinsko vijeće Vareš je tražilo da se povećaju sredstva za ovu namjenu i da se povećaju iznosi naknada po novorođenom djetetu. U vezi sa naprijed navedenim, neophodno je donošenje ove odluke.

3. Finansijska sredstva

Za sprovođenje ove odluke sredstva su planirana u Budžetu Općine Vareš za 2023. godinu – ekonomski kod: 614231 – beneficije za socijalnu zaštitu (subvencije porodiljama) u iznosu od 10.000,00 KM (slovima: deset hiljada konvertibilnih maraka).

PREDLAGAČ:
OPĆINSKI NAČELNIK

Zdravko Marošević